

بالجمله اعضاسی طرفندن امضا و یا تمهیر ایدیله جک و قوچان رژی مأمورینک ید حفظنده قالد جقدر .

اون دردنجی ماده تحریر فرقه لرینک هر بری سرکیلرده مندرج ایضاحاتی و رقری (۷) نومرولی ورقه مربوطه ده کوستریلان (خ) اشارتلی نمونه وجهله ایکی نسخه اوله رق تنظیم اولنه جق اجمال دفترلنده جمع و تلفیق ایدر و بو دفترلک زبری اعضانک هر بری امضا و یا تمهیر ایدیلور . بو دفترلک بر نسخه سی رژی مأمورینه و دیگر نسخه سی دخی ایکنجی نخنی انتخاب و تعیین ایدن اداره و یا اختیار مجلسنه اعطا قانور .

اون بشنجی ماده تحریر فرقه سنجیه اجرا ایدیله جک معاینه نك تأخری حالنده ترلا صاحبی ادراک ایدن یار اقلری قو پاروب عملیات استحضاریه سنه مباشرت ایده بیلور . انجق تحریر فرقه سنک ورودنده یار اقلرک لاجل التحریر ارانه ایدلسی لازمدر .

اون التنجی ماده برنجی تحریر ختام بولدقندن صکره قاعده آتیه به توفیقاً ایکنجی تحریر مباشرت اولنور : شویله که محصول طویلاندقندن صکره توتونلر هنوز حاضرلنقده اولدیغی یعنی قوریدلق اوزره باغلوب دیزی ایدلمش و یاخورد صریغه آلمش بولندیغی حالده بونلرک « دیب » « بولک انا » « اورته انا » « کوچک انا » و « اوج » تعبیر

اولنوریش نوعنک و یاخود « دیب » « بولک انا » و « کوچک انا » تسمیه اولنان اوج نوعنک هر برلرندن عادت محایه اوزره بر صریق انتخاب اولنوب مثلی اولان دیگر صریقلرک مجموعاً تخمین و تقدیر و زنه نمونه اتخاذ ایدیلور .

بر محصولک تخمین مقدارنده و یاخود وزن و عیار اولنه جق صریقک انتخابنده تخمینلر بیننده اختلاف وقوع بوله جق اولور ایسه ایکی تخمین طرفندن دیگر بر تخمین انتخاب اولنه رق انک قراری قبول قلنده جقدر رژی اداره سی تنسیب ایدیلکی حالده یار اقلر قورودقندن و یا پوش حالنه قونیلوب بو غیجه لره وضع ایدلدکدن صکره اجرا ایتک اوزره ایکنجی تحریری تأخیر ایده بیلور . فقط بو حالده توتونلرک مقدار مجموعی وزن ایدلک اقتضا ایدر .

اون بدنجی ماده ایکنجی تحریرده ثابت اولان مقدار ایله برنجی تحریرده وزن ایدلمش اولان مقدار بیننده فرق بولنور ایسه فرقک سیبیلری تحقیق اولندقندن صکره سرکی ایله قوچانلرنده و اجمال دفترلنده اولان قیدلری فضلنک ضمی و نقصانک تنزیلی صورتیه تصحیح اولنور . بو صورتله بر قریبه ده تصحیح ایدلمش اولان سرکیلر قاچ قطعه دن عبارت و کیمک نامنه محرر ایسه ججهل سنی ناطق اولقی اوزره مطبوع ورقه اوزرینه بر خلاصه دفتری یایدیریلوب اختیار مجلسنه تصدیق

تخصیص قلنسان اراضیده و کرک توتونلرک ترتیبی کبی معتاد اولان معاملاتقن اجرایه مخصوص محللرده اقتضا ایدن تحقیقاتقن اجرا ایده بیلورلر .

انجق زراعک ساکن اولدیغی محللره دخول اقتضا ایدکده التمش بشنجی ماده ده محرر قواعد عمومیه به توفیق حرکت ایتک لازمدر .

یکرمنجی ماده هر سنه محلی اداره مجلسی ایله رژی مأمورلری موقعک ایجابنه کوره توتونلرک رژی انبارلرینه نقلی ایچون مناسب بر مدت تعیین ایلیمه جکدر . و اولوقته قدر توتونلرینی رژی انبارلرینه تسلیم ایتک ایچون حکومت طرفندن زراعه تفهیمات و تنبیهات لازمه اجرا ایدیله جکدر .

شو قدرکه تعیین اولنه جق مدت نهایت سنه آتیه اغستوسی ابداسنی تجاوز ایتیه جکدر .

توتونک محل مخصوصنه ورودی آنده انبارمدیری زراعدن (۸) نومرولی ورقه مربوطه ده کوستریلان (د) اشارتلی نمونه وجهله بر انبار دفتری الوب مقابلنده قوچانلی بر دفتردن (۹) نومرولی ورقه مربوطه ده کوستریلان (ذ) اشارتلی نمونه وجهله انبار علم و خبری کسوب زراعه اعطا ایتیلیدر .

ایتدیریلور . اختیار مجلسی خلاصه و سرکیلر مندرجاتقن علیهنده اعتراض ایده بیلور . بو خلاصه لر ایکی نسخه اوله رق تنظیم ایدیلوب بر نسخه سی قصاده ایسه قائم مقاملغه و مرکز لو او یا ولایت اولان برلرده ایسه متصرفلغه و یا مقام ولایته اعطا اولنور .

اون سکرنجی ماده تحریری اجرا اولنان توتون حربق و طغیان میاه و آفات سائر کبی اسباب مجبره دن ناشی کلیاً و یا قسماً ضایع اولدقده در حال رژی مأمورینه اخبار کیفیت اولتیلیدر . رژی مأموری و یا وکیللی مجلس اداره دن و یاخود اختیار مجلسی طرفندن مخصوصاً تعیین اولنش اعضادن بر ذات ایله برلکده محلنه کیده رک اجرا ایده جکری تحقیقاتقن حاوی بر ضبط ورقه سی تنظیم ورژی مأموری ایله برلکده اعضادن اولان ذات طرفندن امضا و یا تختم ایدلیلیدر . اشبو ضبط ورقه سی ایکی نسخه اوله رق یازیلوب بر یسی زراعه اعطا اولنور و دیگر رژی مأمورینک نزدنده حفظ ایدیلور . اگر یالکز توتونلر یاخود توتون فداندلری خسار زده اولمش ایسه زراع بونلری حفظ ایدوب و یا هیئتیه لرلرنده بر اقوب آنفاً بیان قلننان ضبط ورقه سنک تنظیمی متعاقباً مأمورینک مواجهه سننده احما ایتیلیدر .

اون طقوزنجی ماده رژی مأمورلری استدکری زمان مأموریت ورقه سنی ابراز ایدر کرک زراعت

یکرمی رنجی ماده داخل ممالکده حاصل
اولان توتون رژی انبارینه نقل اولتی درجه سینه
کله دکه زراع در حال رژی مأمورینه ورژی
مأموری بولنمان یرلده الک یقین محله اولان رژی
مأمورینه تبلیغ ایدمک اوزره ناحیه ویا اختیار
مجلسینه اخبار کیفیت ایتکه مجبوردر . زراع
طرفندن ویا ناحیه ویا اختیار مجلسی جانبندن
کندوسنه اخبار کیفیت ایدیلان رژی مأموری دخانی
زراع ایله برابر انباره نقل ایتک اوزره بر مأمور
کونددر ویا خودزراعه توتونی بالذات رژی انبارینه
نقل ایده بیلک ایچون (۱۰) نومرولی ورقه مربوطه ده
کوستریلان (ر) اشارتلی نمونه وجهله دخانک مقدار یله
بوغچه لر بک عددینی مشعر بر نقایه رخصتنامه سی
اعطا ایدر .

رژی مأموری رفاقتیه یا خود استحصال ایتش
اولدقلمی رخصتنامه موجبجه دخان نقلیه
مأذون اولان اشخاصدن ماعداسنک توتون نقل
ایتملی ممنوعدر .

یکرمی ایکنجی ماده رژی اداره سی طرفندن
شرطنامه موجبجه تأسیس اولنان انبارلر دخانک
حاصل اولدیغی موافقه اون ساعتدن زیاده
مسافده بولنور ایسه رژی اداره سی بومقوله
توتونلری انباره قبول ایتش کی اصحاب محصوله
علم و خبرینی و برمک و قبض ایلدیکی توتونلری
در حال الک یقین رژی انبارینه نقل ایتک اوزره

یکرمی اوچنجی ماده رژی اداره سی انبارلرینه
وضع اولنه جق توتونلرک حسن محافظه سیچون
مصارف و مسئولینی کندوسنه عائد اولتی اوزره
تقیدات لازمده نک اجراسته مجبوردر . محصول
صاحبلمی دخانک اجناس مختلفه سنی تشکیل
ایچون یا پرافلرک تقریبی و ترتیبی کی معناد اولان
معاملاتی رژی انبارلرنده اجرا ایتکده مختاردر .

یکرمی دردنجی ماده زراع توتونلرینی اخراجات
ایچون تجاره صاته بیلور ورژی اداره سندن
استقراض ایتش اولدقلمی اچهدن ویا خود اشبو
نظامنامه موجبجه حکم اولنان جزای نقدیدن
و محصولک عشرندن طولانی ذمتری تأدیه اولندجه
رژی اداره سی بو وجهله توتون فروخته مانع
اوله ماز .

انتقال معامله سی فارغ اولان کیسه طرفندن (۱۱)
نومرولی ورقه مربوطه ده کوستریلان (ز)
اشارتلی نمونه وجهله تحریراً و یر یله جک بر قطعه
بیاننامه ایله اشبو فراغی قبول ایلدیکی مشعر
مشتی طرفندن (۱۲) نومرولی ورقه مربوطه ده

کوستریلان (س) اشارتلی نمونه وجهله تحریراً
اعطا قلنه جق بیاننامه اوزرینه اجرا اولنور .

شو حالده توتونی اخراج ایده جک اولان کیسه
توتونک زراع طرفندن انباره تسلیم اولنش اولدیغی
تاریخدن اعتباراً الی آی نهایتندن صکره بر موجب
شرطنامه انبار کراسنی اعطا ایتکه مجبور
اولور .

یکرمی بشنجی ماده زراع توتونلرینی رژی
انبارینه ایکی سینه مدتله حفظ اولتی اوزره
تودیع ایده بیلورلر . تودیع اولنان توتونلر تاریخ
اعطاسندن اعتباراً الی ماه مجاناً حفظ ایدیلور .

اندن صکره بهر الی آیده بر کره مودعلدن (۱۳)
نومرولی ورقه مربوطه ده محرر (ش) اشارتلی
تعرفه وجهله انبار اجرتی اخذ اولنور . بو
اجرت انبار مدیرینه ایفا اولنور . انبار مدیری
اجرتی ویرن کیسه یه (۱۴) نومرولی ورقه
مربوطه ده کوستریلان (ص) اشارتلی نمونه
وجهله قوچانی بر جلدندن قطع اولنش بر ابرنامه
اعطا ایدر . انبار اجرتی مودوع دخان ایله تأمین
اولنشدر .

یکرمی التنجی ماده توتونلرک رژی انبارینه
وضع و تودیعی کوندن اعتباراً ایکی سینه مرورنده
محصول اصحابنه اگر زراع ایسه اختیار مجلسی

واکر تاجر ایسه طوغریدن طوغریه رژی
اداره سی طرفندن اخطار کیفیت اولنور . واون
بش کون مهمل و یریلوب کیفیت اعلان دخی
ایدیلور . بو مدتک انقضا سنده اداره مذکوره
اشبو محصولی رژی انبارینک بولندیغی محکات اداره
مجلسی طرفندن تعیین اولنش بر مأمور حاضر
اولدیغی حالده اخراجات ایچون بالزایده الک زیاده
فیثات و یرنلره فروخت ایدر واثمان حاصله سندن
انباررسملرینی اخذ ایلد کد نصکره قصورینی اصحاب
محصوله تسلیم ایلر .

اگر مشتری بولنماز ویا خود مزایده ده و یریلان
فیثاته صاحبی راضی اولماز ایسه بری رژی
اداره سی طرفندن و دیگری توتونک صاحبی
و کندوسی غائب ایسه محلی حکومتی جانبندن
منتخب ایکی نمخن معرفتیه متفقاً و مختلر اتفاق
ایده مدکلمی حالده طرفندن براوچنجی نمخن تعیین
ایله تقدیر اولنه جق فیثات ایله رژی اداره سی
او توتونی اشترا ایتکه و انبار اجرتی بالتزویل
قصور اثمانی صاحبنه تأدیه مجبوردر .

شوراسی مقرردرکه مذکور نمخنلر طرفندن
اخراجات ایچون توتون صاتیلان محللرده بو
توتونلرک مثلنه تجار طرفندن و یریلان فیثاتلر
و اخراجات ایچون توتون صاتیلان محللرده رژی بک
تأسیسندن اولکی سنه لده محصولک کثرت و ندرته

ونفاستنه كوره بين الاهالى جارى اولان فيثات
نظر اعتنايه الله جقدر .

دخان اصحابى طرفندن التى ائده بر كره و بريله جك
انبار كراسى قاعده رژی اداره سنه تأديه اولنديغى
حالده حقلمنده اداره مذ كوره جه اشبو بنده
بيان اولنان بولده معامله ايديلور .

يكرمى ينجى ماده مودع انباردن توتون
چيقاردجه اخراج ايتدى توتونلك مقدارى
مبين انبار مديرينه (۱۵) نومرولى ورقه مربوطه
كوستريلان (ض) اشارتلى نمونه وجهله مقبوض
سندى اعطا ايدر و اخراجات مذ كوره انبار علم
و خبر بلك ظهرينه اشارت اولنور و دروننده
محرر توتونلك كاملا اخراج اولنده قدده مذ كور علم
و خبر رژی مأمورينه اعاده اولنور . ماده سابقه
احكامنه توفيقاً رژی طرفندن اصحابك غيابه
حكومت معرفيله صايتلان دخان حقنه تنظيم
اولنه جق ضبط ورقه لرى مقبوض علم و خبرى
مقامنه قائم اولور .

يكرمى سكرنجى ماده زراع ممالك عثمانيه
صرف اولنه جق دخان محصولنى يالكز رژی
اداره سنه صايتار بشقه سنه صايتمقدن ممنوعدر .
فقط اخراجاته مخصوص اولان توتونلرى
ايسته دكاري كبي صاته بيلورلر .

رژی اداره سى كندوسنه لزومى اوله جق دخانك
مبايعه فيثاتنى اصحاب محصول ايله اولزشه رقى
تعيين ائده جكدر .

شرکت ايله زراع بيننده شايد فيثاتيه
اوبوشيله مديغى ويكرمى التجبى ماده تعيين
اولنان مدت ظرفنده زراع اخراجات ايچون
مشتري بوله مديغى حالده ماده مذ كورده كوستريلان
معامله اجرا ايديلور . ايكي سنه مدت اثنای جرينده
بيله يكرمى التجبى ماده ده بيان اولنديغى وجهله
مختلر واسطه سيله دخانلر بلك تقدير قيمتى طلب
اللكه زراعت صلاحيتى واردر . و بو حالده
توتونلرى مختلرلك تقدير ايلديكى فيثات اوزره
رژی اداره سنه صايتمه ورژی اداره سى دخی مذ كور
توتونلرى اوفيثات ايله اشترا اللكه مجبوردر .

يكرمى طقوزنجى ماده توتون محصولى ايچون
زراعت و برلش اولان سركيلرلك كافه سنك محصولات
رژی انبارلرينه تسليمى ايچون حكومت مأمورى
ايله رژی مأمورلرى طرفندن بالاتفاق تعيين اولنه جق
يكرمى ماده ده كوستريلان مدتلك انقضاسندن
بر ماه ظرفنده رژی مأمورينه اعاده سى لازمدر .

رژی مأمورى كندوسنه و بريله جك سركيلرى
قوچانلرى ايله مقابله و دروننده محرر توتونلك
يكوننى انبار علم و خبرنده محرر يكون ايله تطبيق
ايليدر .

اشبو معاينه فيرلر (۱۶) نومرولى ورقه
مربوطه ده محرر (ط) اشارتلى جدولده هر
نوع توتون ايچون بشقه بشقه تعيين اولنان مقدارلره
قدر قبول اولنور . بوندن زياده سنه زراعت
ذمتنه كچمش نظر ايله باقيلور .

اوتوزنجى ماده رژی مأمورى اوليان محللرده
اشبو نظامنامه لك ۵, ۷, ۸, ۹, ۱۱, ۱۲, ۱۸ و ۲۱ نجى
ماده لرنده مندرج اولان اشعاراتى زراع اختيار
مجلسنه تبليغ ائده جك و اختيار مجلسى دخی الك
يقيننده بولنان رژی مأمورينه اشعار ايليه جكدر .

ايكنجى فصل

(توتونجىلك رژی يه قارشو اولان حقوق و وظائفى)
اوتوزنجى ماده ممالك عثمانيه ده حاصل
اولان توتونلر رژی اداره سندن رخصتنامه
استحصال اولنان دكانلرده فروخت اولنور .

رژی اداره سى طرفندن تعيين اولنه جق محللرده
كشاد اولنه جق توتونجى دكانلر بلك طيش
قبولر بلك اوستنه (ممالك عثمانيه دخانلرى مشترك
المنفعه رژی توتونى) عبادرسنى حاوى بر لوحه
تعليق اولنور .

ودكانك درنده كوريله جك بر محله دخی صرفيات
ايچون صايتلان توتونلك تعرفه سى آصيلور .

رژی تنسيب ايتدىكي حالده كز كنجيلره برداره
محدوده داخلنده كى قريه و پنازلرده توتون
قولتو قيلغى ايتك ايچون رخصت ويره بيلور .

وتوتونجىلك ترك ايديله جك اكراميه لك مقدارى
محللرينه كوره رژی اداره سى طرفندن تعيين
ايديلور .

اوتوز ايكنجى ماده دكانجى و كز كنجى
توتونجىلك رژی اداره سندن رخصتنامه المنفعه مجبوردرلر

اشبور رخصتنامه (۱۷) نومرولى ورقه مربوطه
مندرج (ظ) اشارتلى نمونه يه وفاق اولقى اوزره
صايتجىلك (۱۸) نومرولى ورقه مربوطه
محرر (ع) اشارتلى نمونه وجهله ويره جكلى
استدعا نامه اوزرينه رژی اداره سنك قبول
ايتدىكى توتونجىلك اعطا اولنور و خدمات ملكيه
ويا عسكريه ده استخدام اولمش اولان متقاعديندن
بو بولده استدعا و يرلر سائر مستدعيلره ترجيح
ايديلور .

اوتوز اوچنجى ماده درسعادت وادرنه
وسلايك وازمير و شام و بيروت و بغداد و حلب
و بروسه و طربزون و ارضروم شهرلنده كائن
دكانلرده دخان فروخت ايدنلردن سنوى بر بچق

و بو ولايتلردن بشقه اولان ولايت مركزلريله
علي العموم لوامر كزنده كائن دكانلرده دخان فروخت
ايدنلردن سنوي بر و مركز قضا اولان قصبه ل ايله
قريله رده كائن دكانلرده دخان فروخت ايدنلردن
سنوي يارم عدد بوزلك عثمانلي التوني رخصتنامه
رسمي آلنور . فقط ايكينوز خانه يي تجاوز ايتيان
محالرده توتون صانلردن رخصتنامه رسمي اوله رق
يالكز سنوي يكرمي غروش آلنور .

بو وجهله صنوفه تقسيم اولنان دكانلر رزي اداره سي
طرفندن وقوع بوله حق طلب اوزرينه هر بش
سنه ده بر كره نظر تفتيش و تدقيقدن بچوريله رك
حكومت سنه نك تصويب و تصديقيله تعديلات
لازمه اجرا قلنه ييلور .

كز كنجي توتونچيلردن بلا استثنا سنوي بر بچق
عدد بوزلك عثمانلي التوني رخصتنامه رسمي
آلنور .

اوتوز در دنجي ماده توتونچيلرك رخصتنامه لري
اولا شهر شباط ايچنده كله جك سنه ماليله
مخصوص اولسق يعني رومي شهر مارتك بري ايله
اوسنه نك شهر شباطنك يكرمي سكزي آره سنه
بولنان زمانه حائد اولق اوزره ماده سابقه ده
محرر رسملر تماماً استيفا اولنهرق ثانيا هر سنه
ماليه نك ايلك التي آبي ظرفنده سنه مذكور نك
انقضاسنه يعني شباطنك نهايته قدر رسوم مذكور

كذلك تماماً استيفا اولنهرق ثالثاً سنه ماليله نك
ايكنجي التي ماهنك اشاي جريانده سنه مذكور نك
انقضاسنه قدر مرور ايله جك زمان ايچون رسو
مذكور نك نصفي استيفا اولنهرق اعطا قلنور .
دكانجي و كز كنجي توتونچيلرك توتونلره برابر
توتونلرك حسن محافظه و نفاستني اخلاص ايتيه جك
امتع صائملري مجازدر و بوخالده دخی رخصتنامه
رسمي بلا نقصان اعطا ايتلري لازمدر .

اوتوز بشجي ماده توتونجي رخصتنامه سي
شخصه مخصوص اولوب آخره فراغ اولنه ماز .

دكانچيلره و بيله جك رخصتنامه يالكز اوموقعه
و كز كنچيلره اعطا اولنه جق رخصتنامه بيان قلنه جق
محالرده معتبردر .

شوقدر كه دكانجي توتونچيلر سنه ايچنده دكانني تبديل
ايتك ايستقر ايسه (۱۹) نومرولي ورقه مربوطه ده
كوستريلان (غ) اشارتلي نمونه وجهله راستدنا
نامه اعطا ايدرك رزي اداره سنندن مساعده
ايستليدر .

مايبدی وار

اولا ققره قانونيه نك برنجي قسمنده مستنطقك
اصول محاكات جزاييه قانون موقتنك اللي برنجي
ماده سنه ذيل اولق اوزره تنظيم اولنوب مرعيت
احكامنه اراده سنه حضرت پادشاهي شرفلق
بيوريلان ققره قانونيه نك بعض جهتلر بجه حاصل
اولان ترددات اوزرينه مقام سامي حضرت
نظار تپناهيلى نه عرض و تقديمه متجاسر اولديغ
۴ كاتون ثاني سنه ۱۳۰۱ تاريخلي ويك در تيوز
الي سكر رقلو عريضه عبيدانه مده :

سؤال

قسم غير رسمي

(معلومات اولق اوزره درج اولمشدر)

اصول محاكات جزاييه قانون موقتنك اللي برنجي
ماده سنه ذيل ايديله رك مرعيت احكامنه اراده
سنه ملوكانه شرفلق بيوريلان ققره قانونيه نك
صور اجرائيه سجه حاصل اولان تردداتك
استيضاحني حاوي ادرنه ولايتي استيناف مدعي
عموميلكندن تقديم قلنان لايحه يه جواباً امور
جزاييه مديريت بيه سنندن و بيلوب عدليه
نظارت جليله سنندن با تخريرات مخصوصه ارسال
بيوريلان بعض مطالعاتي ميين سؤالي جوابلي
لايحه نك صورتيدر

اصول محاكات جزاييه قانون موقتنك اللي برنجي
ماده سنه ذيل اولق اوزره تنظيم اولنوب مرعيت
احكامنه اراده سنه حضرت پادشاهي شرفلق
بيوريلان ققره قانونيه نك بعض جهتلر بجه حاصل
اولان ترددات اوزرينه مقام سامي حضرت
نظار تپناهيلى نه عرض و تقديمه متجاسر اولديغ
۴ كاتون ثاني سنه ۱۳۰۱ تاريخلي ويك در تيوز
الي سكر رقلو عريضه عبيدانه مده :

سؤال

اولا ققره قانونيه نك برنجي قسمنده مستنطقك

موقت وغير موقت توقيف و تخليه امرلر يله منع
محاكه قرارنامه لري و مظنون عليهك تخليه سي
حقننده و بيه جكي قرارلر آنك منسوب اولديغي
محكمه رئيسك تصديقيه اجرا اولنه جغي محرر
اولوب ققره مذكور نك شو حكمي قضا ولوا
و مركز ولاينده بولنان محكمه لره علي الاطلاق
شامل اولوب اولديغي

جواب

ققره مذكور نك حكمي قضا ولوا و مركز ولايت
بدایت محاكم جزاييه سنه علي الاطلاق شاملدر
شويله كه محاكم مذكور زنده بولنان مستنطقلر
طرفندن و بيلان توقيف و تخليه امرلر يله منع
محاكه قرار نامه لري هر برينك منسوب اولديغي
محاكم جزاييه رؤسا سنك تصديقيه اجرا
اولنور .

سؤال

ثانياً ققره مذكور نك ايكنجي قسمنده رئيس
محكمه نك موقت وغير موقت توقيف امرلر بني
قانون دائره سنه تعديل ايدد بيله جكي مسطور
بولنوب فقط قانون دائره سنه تعديلدن مقصد
صادر اولان توقيف امرلر نك موقتي غير موقته
و غير موقتي موقته تبديله يي مختصر يوخسه مدعي
عموميلك جانبنندن مظنون عليهك توقيفي طلب
اولنديغي حالده مستنطق طرفندن توقيفه لزوم
كورنمز ايسه اولبايده كي معامله يه ده يي شامل
اوله جغي و قانون دائره سنه بشقه نه كي تعديلات
اجرا ايديله جكي

جواب

رئیس محکمه نك وقت و غیره وقت توقیف امر لرینی قانون دأر سنده تعدیل ایده بیله جکندن مقصد موقتنی غیر موقته و غیر موقتنی موقته تبدیل ایتدیرمک اولوب مدعی عمومیلک مأموریتندن مظنون علیهک توقیفی طلب اولنور و مستنطق مخالفت رأیده بولنور ایسه شو صورتله ظهور ایدن اختلاف اصول محاکات جزایه نك یوز اوتوزنجی ماده سی حکمجه هیئت اتهامیه جه حل اولنور .

سؤال

ثالثاً فقره مذکور نك اوچنجی قسمده توقیف امر لرینک استرداد ایچون کذلک رئیس محکمه یه مراجعت اولنه جغی محرر اولوب حاله وکه توقیف امرینک استرداد علیهنده اعتراض جائز اوله میه جغه نظراً هیئت اتهامیه جانبندن بیله فسحه مساع قانونی اولدیغی حالده استرداد قرارینی فسح ایله توقیف حکمنی ابقا ایچون مستثنا اوله رق رئیس محکمه یه بر صلاحیت ویرلش نظریله می باقیله جغی بوخسه توقیف امرینی استرداد ایچون مستنطق طرفندن هیچ بر معامله اجرا ایدایوب بوخصوص طوغریدن طوغری به رئیس محکمه یه مودوع بر وظیفه حکمده می طوتیله جغی

جواب

توقیف امر لرینک استرداد حقته اصول محاکات جزایه نك مدعی عمومیلره ویرلش اولدیغی صلاحیت الی برنجی ماده نك ذیلنده جزا محکمه سی رئیس لرینه دخی اولصورته ویرلشدر و ذکر اولنان سکسان طقوزنجی ماده موجبنجه مظنون علیهک توقیفی حقته ویریلان امرک استرداد بیله تخلیه سیلنه مستنطق کجه قرار ویرلدیکی تقدیرده اشبو تخلیه قرارینک اجرایی ذیل مذکور فقره اولاسی حکمجه رئیس محکمه نك تصدیقنه موقوفدر .

سؤال

رابعاً فقره مذکور نك در دنجی قسمده منع محاکمه قرار نامه سی فقدانی دلیل و اماریه مبتنی اولوبده رئیس محکمه تحقیقاتی نقصان کوررویا تحقیقات واقعه ده لزوم محاکمه ایچون امارات کافیله اولدیغی تحریر بیان ایلر ایسه مستنطق منع محاکمه قرارینی کیرو الوب لزوم محاکمه قرار نامه سی اعطاسنه مجبور اوله جغی محرر اولوب بو مجبوریت مستنطق قرار اعطاسنده کی استقلالیت و صفت حاکمیتی مخل اولدیغی کی مدت قانونیه سی ظرفنده اعتراض وقوعنده قرار نامه نك فسحی ایچون هیئت اتهامیه ویریلان صلاحیت رئیس محکمه یه ویرلش اوله جغی

جواب

ذیل مذکور مستنطقک صلاحیتنی تمهید ایتشدر ذیل مذکورک فقره اخیر سنده محکمه رئیس لرینک استنطاق قرارلرنجه جائز اوله جقلمی حق تدقیق مدعی عمومیلرک قانوناً معین اولان وظیفه لرینی اخلال ایتزدیو محرر اولسنه نظراً مدعی عمومیلر رؤسانک تصدیقنی حاوی اولان مستنطق قرار نامه لرینه مدت قانونیه ظرفنده اعتراض ایده بیله جکری و بو اعتراضک کماکان هیئت اتهامیه ده فصل اولنه جغی ابضا حدن مستغنیدر

سؤال

خامساً تحقیقات واقعه ده لزوم محاکمه ایچون امارات کافیله اولدیغی رئیس محکمه جانبندن بیان اولنه رق مستنطق لزوم محاکمه یه قرار نامه اعطاسنه مجبور ایدلیدی حالده ذکر اولنان قرار نامه رئیس محکمه طرفندن ویرلش مشابه سنده اوله رق هم بالمحاکمه ویریه جک حکم احساس ایتدیرلش اوله جغندن مجله نك بیک سکز یوز اون بشنجی ماده سنده مغایر و همد بر جرمک تحقیقاتنی اجرا و لزوم محاکمه یه قرار ویرمکه مستنطق و حاکمک اجرای محاکمه دن ممنوعیت قانونیه سنده منافی دوشه جکی

جواب

اعضای محکمه دن اولوبده جنایت ماده لرنده تحقیقات اجرا و قرار نامه اعطا ایدن مستنطقلر اوایشک حین محاکمه سنده محکمه ده رأی ویرمه جکی

اصول محاکات جزایه قواعد عمومیه سندن ایسه ده جنحه ماده لری مواد جزایه کی جائز اهمیت اولدیغندن بولنده مستنطق اعضا هم قرار نامه تنظیم واولا و همد محاکمه ده بولنه رق رأی اعطا ایتسی مجاز اولدیغی کی محکمه رئیس نك دخی جنحه ماده لرنده لزوم محاکمه سی کوستردیکی اشخاصک حین محاکمه سنده رأی ویرمی بوقیلدن اولغله جائز اوله بیله جکی درکاردر .

سؤال

سادساً لزوم محاکمه ویا خود منع محاکمه قرار نامه سی علیهنده بالطبع رئیسک تصدیقندن صکره مدعی عمومیلک جانبندن اعتراض اولنه بیله جکندن هیئت اتهامیه مدعی عمومینک اعتراضنی قبول و رئیس محکمه نك تصدیقنی حاوی اولان منع محاکمه قرار نامه سی فسح ایله لزوم محاکمه یه قرار ویردیکی تقدیرده کیفیتک محاکمه سنده رئیس محکمه رأی سابق میدانده ایکن له و علیهنده بيطرفانه حرکت ایده میه جکی و هیچ دکسه حال احترازده قاله جغی

جواب

ذیل مذکور حکمجه لزوم محاکمه قرار نامه لری رؤسانک تصدیقنه عرض اولغله حاجت بوقدر رئیسک تصدیقنی حاوی اولان منع محاکمه قرار نامه سی اعتراض اوزرینه هیئت اتهامیه دن فسح اولنه رق لزوم محاکمه یه قرار ویرلدیکی تقدیرده رئیسک تدقیق و رأی مستنطقک رأی و تدقیق حکمنده قاله جغندن و جنحه ماده لرنده اعضا دن

بلافاصله اجرای مذاکره ایتم که بر طبق قیود و شروط قانونیه التند هیئت اتهامیه نکره رئیس رأی و قرارینی اولجه احساس ایتد برمش بولنه جنی

جواب

مرکز ولایت بدایت جزا دائره سی رئیس نکر تصدیقنی حاوی اولان برقرارنامه مؤخر اعتراض اوزرینه محکمه مذکوره رئیس نکر تحت ریاستنده بولنان هیئت اتهامیه به عرض اولند قد ذکر اولنان قرار نامه اعتراض ایله برابر بالتدقیق اکثریتله قرار ویرلسی محتمل اولدیغنی کبی تعاطی آرا ایله جریان ایده جک اشو تدقیقه رئیس نکر مقدمی زایندن نکول ایدرک بشقه رأیده بولنسی دخی ملحوظ و جائز اولدیغندن شو حالده رئیس نکر رأی و مطالعه سی قطعاً معلوم اوله من

سؤال

ثامناً ایکی دائره به منقسم اولان الویه محاکمی ایله مرکز ولایت محکمه سنده وظیفه مذکوره رئیس اول و یا خود رئیس ثانی طرفندن اجرا اوله جنی خصوصری استیذان اولنشدی

جواب

وظیفه مذکوره رئیس ثانیره محولدر

سؤال

۱۲ شباط سنه ۳۱۰ تاریخله مورخاً و بتش رقیله مرصاً و اصل بد تعظیم و تکریم اولان امرنامه جوابیه جناب نظارتینا هیلرنده تفسیرقون محاکمه عائد وظائفدن بولنش اولسبیله بوشالو

بولنان مستنطقل محاکمه دخی بولنه رق رأی ویرملری جائز اولدیغندن ومع مافیه رئیس نکر سالف الذکر تصدیقنی حاوی اولان قرار نامه اوزرینه وقوع بولان اعتراض مظنون علیه نکر محاکمه سنه محل اولوب اولدیغنه دائر و هیئت اتهامیه جده بوراسی حل و فصل اولنه رق کیفیتک هیئت اتهامیه قرارینی اوزرینه محکمه به ورودنده محکمه بو قرارله مقید اولسبیله فقط مظنونک محاکمه سنه محل اولوب اولدیغنی بختنه دخی کریشه میوب یالکر درمیان اولنان احوال مظنونک محکومینه منتهی اولوب اوله میه جغنی تدقیق ایله بر حکم ویرمک وظیفه سبیله مکلف بولندیغندن بونده بیان اولنان محذور کوریه میور

سؤال

سابعاً بالاده کی معروضات کترانه مجازات تأدیبیه و تکدیریه بی مستلزم جرایمه متعلق اوله رق قضا محکمه لرینه عائد اولوب ققره قانونیه نکر حکمی الویه و مرکز ولایت محکمه لرینه ده شامل ایسه محذورات مذکوره محاکم مرقومه ایچون هم جنحه و همد جنسایت ماده لرنده دخی موجود اوله بیله جکی کبی بتخصیص ولایت مرکز لرنده ایسه رئیس محکمه طرفندن تصدیق اولنان منع محاکمه و یا خود لزوم محاکمه قرار نامه سی علیه نکره اعتراض وقوعنده اعتراض واقع قرار نامه بی تصدیق رئیس نکر تحت ریاستنده بولنان هیئت اتهامیه به عرض اولنقی لازم کله جکی و حالبوکه

احوالده مقام عالی اصف اعظمیلرینک ۱۶ اگستوس سنه ۳۰۱ تاریخلی تحریرات عمومیه سی مندرجات علیه سی دائره سنده حرکت اولنسی لازم کله جکندن بختله ذیل مذکورک باعث تردد اولان جهاتی حقنده دخی محکمه لرجه تعمیق تدقیقات اولنه رق استنباط اولنه جق معانی به کوره حل مسئله و اجرای معامله اولنسی اراده وفرمان بیورلمش ایسه ده عریضه متقدمه کترانه مده مندرج اولوب بالاده تکرار عرض اولنان سبکز بنده طلب و استرحام قلنان ایضاحاته متعلق خصوصیاتک هر بریسنده محکمه رئیسری بر درلو طریق اتخاذ ایدوب اجرای معامله ایتمکده و معاملات مذکور نکر محاکمه برقرار التنه الدیریه بیلسنه محل میدان اولدیغنی کبی رئیس نکر اولباده کی مطالعات تحریریه

لری علیه نکره اعتراض ایتمک ایچون هیچ بر طریق قانونی دخی بولنه مدیغنی جهتله مرجعجه یعنی طبقات محاکمه حل مسئله بولنه کیدیه مامش و عرض اولنان عدم اطراد و محاذیر کوندن کونه تزیاید ایتمکده بولنشدر شویله که مثلاً مرکز ولایتدن باشلان دیغنی حالده هیئت اتهامیه وظیفه سبیله ده مکلف اولان مرکز بدایت محکمه سی جزا دائره سی رئیس مستنطق طرفندن ویریلان قرار نامه لر علیه نکر مدعی عمومیلک طرفندن مدت قانونیه سی طرفنده اعتراض وقوع بولنسیه اجرای تدقیق و بیان مطالعه ایده جکی بیان ایتمکده اولوب مدتی طرفنده اعتراض وقوع بولدیغنی و قرار نامه کسب قطعیت

ایتدیکی حالده قرار نامه بی جرح یا تعدیل و یا تصدیق ایتمکده درکه بویله بر منع محاکمه قرار نامه سنی جرح ایتدیکنده ککر جنحه محکمه سی رئیس و ککر هیئت اتهامیه اعضاسی صفتبیله مؤخرأ ویرجکی قرارینی احساس ایتدیر یور و بوکا بمائل تطویل مقالدن اجتناباً تعداد ایدیه میان بعض حالات وقوعه کلیور قضا ولوا محکمه لرنده احوال معروضه دن ماعدا برده اعطاسی مستنطقک تقدیرینه محول اولان توقیف مذکره لرینی واسترداد امرلرینی توقیف واسترداد لازم کلز دیرک کائن لم یکن حکمنده براتقده والحاصل مذکور سبکز بنده مندرج احوالک هر برنده هر کون نوبنو مشکلات تحث ایتمکده در بناء علیه بالاده عرض اولندیغنی وجهله مشکلات متخذه نکر هیچ بریسی ایچون ۶ اگستوس سنه ۳۰۱ تاریخلی تحریرات عمومیه به توقیفاً مرجعجه حل مسئله ایتدیره جک بر طریق بولنه مدیغنه بناء عدم اطرادات معروضه نکر اوکی التمی ایچون تکرار تصدیق سر سامی فحامت لرینه مجبوریت الورلمش اولغله ققره مذکور نکر شورای دو لجه و یا خود محکمه تمیزجه تفسیر ایتدیرلسی خصوصنه مساعدت جلیله قانون پرورانه لرینک بیدریع و ابذال بیورلسی استدعاسنه جرأت قلندی اولباده

جواب

محکمه رئیسری اورا قک مدعی عمومیلک مأ موریتی واسطه سبیله کندولرینه تودیع اولندیغنده مدت

اعتراضك مرور ينى بكمك جائز اوله ميوب بلكه
وظيفة تدقيق مدت اعتراض مرور ايتمدن ايضا
واوراقى بلا تاخير الماش اولدقلى مدعى عموميلكه
اعاده وتوديع ايللى لازم كاور

اعلان

طرايه جوارنده قتل قصديه وتفتك قورشونيله
جرح ايديلان يونان دولتى تبعه سندن مانيولينك
كيفيت جرحندن طولاي مظنون عليهمادن اولوب
زمان وقعه دنبرو حال فرارده بولنان طرايه ده
دره ايچنده ساكن اوزونجه بويلى صارى ييقل قىرمى
چهره لى باغچىلىق وچوبانلىق ايدن چلاقوب ديمكه
معروف لؤيدى ولد قسطه نك قاتون جزانك يوز
سكسانجى ماده سنه مطابق فعلندن طولاي اصول
محاكمات جزاييه قانونك باب رابعنك فصل نائيسنده
محرر مواد احكامنه توفيقاً در سعادت محكمه
استيفافيه سى جنايت قسمنده محاكمه سى اجرا
اولتى اوزره جنايتله اتهامنه قرار ويرلدى كندن
متهم مرقوم هر زرده كوريلور ايسه طوتيلوب
محكمه مذ كوره حبس خانه سنه تسليمى لازم كله چكى
بالجمله ضابطه عدليه مأمورلر بلك معلوملى اولق

اوزره اشبو اخذ وكرفت امرى در سعادت نيئت
اتهاميه سندن اعطا قلندى
في ۲۴ ربيع الاخر سنه ۳۰۴
وفي ۶ كانون ثانى سنه ۳۰۲

بر سوء نيته مبنى صندان ايله ارنود قريه سندن كاش
مخانه جى داميانوسك مخانه سنه آلتى چوال
روولور چيقارملرندن طولاي مظنون طيهم
اولان ارنود كوينده ساكن بالتجى اصنافندن
موقوف طودورى وسائر لرينك رفقاسندن اولوب
هيئت اتهاميه دن غيابه جنايتله اتهام اولنان فررى
قبصه بويلى اورته وجودلى قره ييقل صاريجه
كوزلى وصاچلى بياض وجودلى يكرمى بش
ياشنده توتون قچاقچىلىق ايدن قوقولى ايله رفيق
اوزونجه بويلى آز قرال ييقل اورته وجودلى
چاقى كوزلى بياض چهره لى قرال قاش وصاچلى
بالتجىلىق ايدن اندون ولد اوستولاكى نام شخصلر
الآن اله پكوريه مدكرندن اصول محاكمات جزاييه
قانون موقتنك اوچيه وز يتش برنجى مادسى
حكمنه توفيقاً قانونه اطاعتله محكمه به بلك اوزره
اشبو تاريخدن بالا اعتبار جانب رياستندن فرارى
مرقومانه اون كون مهل ويرلش اولغله مدت
مذكوره ظرفنده محكمه به بلك كركرى حالده قانونه
اطاعت ايتماش نظريه باقيله رق محاكمه غيابه لرى
اجرا وحقوق مدنيه دن بالاسقاط امواللى جز

ايديله چكى وپو ائشاده بر كونه اقامه دعوايه حقلرى
اوله ميه جنى و مرقومانك بولندقلى محمللى
بيلانلر خبر ويره كه وبالجملة ضابطه عدليه
مأمورلر بلك دخی مرقومانى اخذ وكرفت ايتكه
مجبور بولندقلى وفرارى مرقومان حقلرنده اخذ
وكرفت امرى اعطا قلنش اولديغى بيانيله اعلان
كيفيت اولنور

في ۳ جازى الاول سنه ۳۰۴
في ۱۵ كانون ثانى سنه ۳۰۲

متوفى محمد امين افندى ورثه سنك ليون تجارندن
مخال ولد صوه ذمتنده با اعلام شرعى الاجبى
اولان مبالغ معلومك تأمين استيفاسى ضمننده
مديون مرقومك عهده سنده اولوب تحت مجزده
بولنان اخى چلبى محله سنك ليونچيلر زقاغنده واقع
اوتوز نومرو ابله مرقم بر باب دكان كدكنك يوز
يكرمى سهم اعتباريله متصرف اولديغى قرق
سهم حصه شايه سى اشبو تاريخ اعلاندن اعتباراً
اون بش كون صكره بالمزايدة فروخت اولنه جغندن
طالب اولنلرك وپي سورمك استيانلرك مدت
مذكوره ختامندن صكره در سعادت اعلامات
شرعى به اجرا داره سنه مراجعت ايللى

في ۱۲ كانون ثانى سنه ۲۰۲

بيوك چكجه لى نيقله كه يسانك وارنه لى اوغلى
پنايوط ذمتنده كى الاجفك استيفاسيچون مقدما
جز ايديلوب ايكي ماه مزاد ايديلان مديون
مرقومك متصرف اولديغى قصبه مزبوره
كره بيدخانه موقعه ده ايكي نومرو ده اون سكزدونم
ايكي اولك ترلانك نصف حصه سى يديوز اللى
غروشه بيوك چكجه لى بيجي پهلوان اوزرنده
تقرر ايتكله تاريخ اعلاندن اوتوز بر كون
مرورينه قدر يوزده بش ضمله طالب اولنلرك
بيوك چكجه اجرا مأمورلغنه مراجعت ايتلى
اعلان اولنور

في ۱۲ كانون اول سنه ۳۰۲

بيوك چكجه لى اريستدينك قيقراطيه قريه لى يوركى
اوغلى مانول ذمتنده كى الاجفك استيفاسيچون
مقدما جز ايديلوب ايكي ماه مدته مزاد ايديلان
قيقراطيه قريه سنده بر طرفدن چاقلى مانول و بر طرفدن
طودورا كى طرفندن طومه اوغلى صراندى خانه لى
يله محدود بر قطعه بغچه نك يوز يكرمى سهم اعتباريله
يكرمى اللى سهمى يك اوچيوز غروشه داي مرقوم
اوزرنده تقرر ايتكله تاريخ اعلاندن اوتوز بر
كون مرورينه قدر يوزده بش ضمله طالب
اولنلرك بيوك چكجه اجرا مأمورلغنه مراجعت
ايتلى اعلان اولنور

في ۱۲ كانون اول سنه ۳۰۲

شريفه حالده امينه خانمك ۲۱ نومرولى اعلام
موجبنجه راغب افندى به محكوم به دينى اولان
مبالغ معلومه نك تسويه سيچون بك اوغلنده قرخاتون
محله سنده اسقورداليه زقاغنده قرق التى نومرو
ايله مرقم بر باب بربر دكانى عرصه سبك مع كدك
نصف حصه شايه سى بالمازايده ايكي يك درتوز
اون بش غروش بدل ايله اوچان ككششيان
عهده سنده تقرر ايلديكندن تاريخ اعلان اعتباراً
اوتوز بر كون ظرفنده بدل مذكور اوزرينه
يوزده بش ضميمه طالب اولنلرك بك اوغلى بدايت
محكمه سى اجرا مأموريتنه مراجعت ايللى اعلان
اولنور

في ۱۳ كانون ثانى سنه ۳۰۲

ابراهيم ادهم افنديك شريفه صالحه شمس خانم
ذمتنده با اعلام شرعى الاجغى اولان مبالغ
معلومه نك تأمين استيفاسى ضمننده مديونه
مزبور نك عهده سنده اولوب مرهون بولنان
اسكداره تابع بولغورلى قريه سنده واقع بتمش
ايكى نومرو ايله مرقم تخميناً عتيق بر دونم بغيجه بي
واتصالنده بر باب مطبخنى حاوى بر باب منزل اشبو
تاريخ اعلان اعتباراً اون بش كون صكره
بالمازايده فروخت اولنه جفتدن طالب اولنلرك وپي
سورمك استيانلرك مدت مذكوره ختامند نصكره

در سعادت اعلامات شرعيه اجرا دائره سنده
مراجعت ايللى

في ۱۵ كانون ثانى سنه ۳۰۲

بيوك چكمجه قضا سنده شهروس قريه لي قره ماويل
اوغلى اوستولك قضاء مزبورده يالوس قريه لي
انشطاش اوغلى علكسانديرى ذمتنده كي الاجغك
استيفاسيچون مقدما جز اولنان مديونك متصرف
اولديغى يالوس قريه سنده قورق بيكار موقعده
عتيق التى دونم ترلا اتصالنده اوتوز نومروده
اون دونم بر اولك باغك نصف حصه ليله آيا
يوزكى موقعنده اون بر نومرولى عتيق اوچ دونم
باغك تكميللى تاريخ اعلان اون بشكونصكره
فروخت ايديله جكندن ظهور ايدن طالبلرك بيرك
چكمجه اجرا مأموريتنه مراجعت ايللى اعلان
اولنور في ۲۷ كانون اول سنه ۳۰۲

جريدة حاكمية

جمعه ايرتسى

نومرو ۳۷۹ جازى الاول ۱۸ سنه ۱۳۰۴ كانون ثانى ۳۰ سنه ۱۳۰۲ صحيفه ۳۹۸۳

اشـبو غزته بهر هفته جمعه ايرتسى كونلى چيقار سنه لى در سعادت ايچون مجيديه
يكرى غروش حسابيله التمش غروشدر طشره ل ايچون اون بش غروش پوسته اجرتى ضم اولنور بهر
نسخه سى بنه مجيديه يكرى غروشه اولمى اوزره يوز پاره به هر يرده صاتيلور درج اولنده جق اعلانا تى
هر برندن بر مجيديه اخذ اولنور سنه لى كنه مشرى اولمى استيانلر عدليه نظارتى دائره سنده كاش
جريدة محاكم اداره سنه مراجعت ايتليلدر

قسمت سى

توجيهات

محكمة تمير باش مدعى عمومى لى رتبة بالا ايله
محكمة تمير اعضاسندن عطف و قتلو رضا بك افندى
حضر تلى نه
محكمة تمير اعضا لى مجله جمعيتى اعضاسندن
فضيلتلى و عمر افندى حضرت تلى نه
محكمة تمير اعضا لى محكمة استيناف اعضاسندن
سعادتلى و بها بك افندى به
جزاير بحر سفيد ولايتى داخلنده ايصاره بدایت
محكمة سى رياستى پولهنه بدایت محكمة سى رياستندن
مستعفى مصطفى توفيق افندى به توجيه بيورلشدر

(فى ۲۶ كانون ثانى سنه ۱۳۰۲ تاريخنده عموم)
(ولايت مدعى عمومى لى يازيلان محركات)
(عمومى نك صو رتيدر)

بو كره با اراده سنه تعديل ونشر اولنان خرج
تعرفه سنده مجيدى نك قاچ غروشه قبول اولنده جفته
دائر صراحت اولماسننه بناء بعض طرفدن
استفسار معامله اولنمقدن ناشى كيفيت باب عاليدن
لدى الاستيدان فى ۲۶ رجب سنه ۱۳۰۴
تاريخيله با بيورلدى سامى صورتى تبليغ بيوريلان
شوراي دولت تنظيمات دائره سى مضبوطه سنده
قديم تعرفه نك وضعى تاريخنده تاسس ايدن قاعده
وجهله مجيدى نك كا فى السابق يكرى غروشه
قبولى لزومى كوسترلش اولغله اكا كوره ايفاي
معامله اولنمى ايچون ايچاب ايدنلره تبليغات
مقتضيه اجراسى ضمننده اشبو تحريراتك نسخ